

**KJKP "RAD" d.o.o. SARAJEVO**

**-DIREKTOR-**

**Broj: 05-03-04- /17**

**Sarajevo, 13.11.2017. godine**

Na osnovu člana 70. i 100. Zakona o javnim nabavkama ("Službeni glasnik BiH", broj 39/14), člana 47. Statuta KJKP "RAD" d.o.o. Sarajevo (Broj: 14520/17 od 25.07.2017. godine) a u vezi sa Rješenjem Ureda za razmatranje žalbi BiH broj JN2-03-07-1-1070-8/17 od 31.10.2017. godine, direktor donosi

**RJEŠENJE**

1. Usvaja se žalba ponuđača „CENTROTRANS – EUROLINES“ d.d. Sarajevo izjavljena na Odluku broj 05-03-04-17801/17 od 21.09.2017. godine o izboru najpovoljnijeg ponuđača za vršenje usluga baždarenja tahografa kojom je kao najpovoljniji odabran ponuđač „CHECK SYSTEM“ d.o.o. Sarajevo kao osnovana te se Odluka broj i datum gornji stavlja van snage.
2. Kao najpovoljnijeg ponuđača za vršenje usluga baždarenja i opravke tahografa, odabira se ponuda ponuđača „CENTROTRANS – EUROLINES“ d.o.o. Sarajevo.

**OBRAZLOŽENJE**

KJKP "RAD" je dana 30.08.2017. godine na portalu javnih nabavki BiH objavilo Obavještenje o nabavci broj 83-1-2-405-3-114/17 za izbor najpovoljnijeg ponuđača za vršenje usluga baždarenja i opravke tahografa kroz otvoreni postupak sa objavom obavještenja, sa rokom dostave ponuda do 18.09.2017. godine.

Po pokrenutom otvorenom postupku za nabavku do roka za dostavu ponuda određenog Obavještenjem o nabavci, pristigle su dvije ponude i to ponude firmi „CHECK SYSTEM“ d.o.o. Sarajevo i „CENTROTRANS - EUROLINES“ d.o.o. Sarajevo.

Cijeneći činjenice koje je Komisija imala u vidu pri odabiru najpovoljnije ponude Komisija je izvršila proceduru bodovanja ponuda koje su ocijenjene kao potpune i prihvatljive te predložila ponudu ponuđača „CHECK SYSTEM“ d.o.o. Sarajevo, kao ekonomski najpovoljniju.

Ugovorni organ je u skladu sa prijedlogom Komisije donio Odluku broj 05-03-04-17501/17 dana 21.09.2017. godine. Na navedenu Odluku ponuđač "CENTROTRANS - EUROLINES" d.o.o. Sarajevo, je blagovremeno izjavio žalbu dana 27.09.2017. godine.

Nakon uvida u navode iz žalbe, od strane Ugovornog organa utvrđeno je da su navodi u žalbi osnovani te je u skladu sa članom 100. stav (3) Zakona o javnim nabavkama BiH donio Rješenje broj 05-03-04-18169/17 dana 28.09.2017. godine kojim poništava postupak javne nabavke i prateću tendersku dokumentaciju u skladu sa žalbenim navodima.

Na ovo Rješenje, ponuđač "CENTROTRANS – EUROLINES" d.d. Sarajevo je dana 02.10.2017. godine blagovremeno izjavio žalbu zbog bitnih povreda odredbi Zakona o javnim nabavkama BiH i pogrešne primjene materijalnog prava budući da, kako navodi, nije žalbu uložio na Tendersku dokumentaciju već na ponudu izabranog ponuđača koja nije u skladu sa Zakonom o finansijskom poslovanju FBiH.

Ugovorni organ je u skladu sa odredbama člana 100. Zakona o javnim nabavkama, žalbu ponuđača prosljedio Uredu za razmatranje žalbi BiH budući da je ista blagovremena, dopuštena i izjavljena od ovlaštenog lica.

Ured za razmatranje žalbi BiH je, rješavajući po žalbi ponuđača, donio Rješenje broj JN2-03-07-1-1070-8/17 od 31.10.2017. godine kojim je usvojio žalbu ponuđača te poništio Rješenje broj 05-03-04-18169/17 od 28.09.2017. godine i predmet vratio na ponovni postupak, počevši od razmatranja žalbe broj 1/13005/17 od 26.09.2017. godine izjavljene na Odluku o izboru najpovoljnijeg ponuđača za vršenje usluga baždarenja i opravke tahografa.

U skladu sa navedenim Rješenjem Ureda za razmatranje žalbi BiH, Ugovorni organ je ponovno razmatrao žalbene navode u žalbi broj 1/13005/17 od 26.09.2017. godine te nakon što je utvrdio osnovanost istih odlučio kao u dispozitivu rješenja.

Naime, član 12. Zakona o finansijskom poslovanju FBiH propisuje da u izuzetnim slučajevima uslovi plaćanja mogu biti do 90 dana, što je ponuđač "CHECK SYSTEM" d.o.o. Sarajevo u svojoj ponudi i dao, ali obzirom da izuzetak nije predviđen Tenderskom dokumentacijom te da su svi potencijalni ponuđači dovedeni u neravnopravan položaj, Ugovorni organ je postupajući u skladu sa dispozitivom Rješenja Ureda za razmatranje žalbi BiH broj JN2-03-07-1-1070-8/17 od 31.10.2017. godine i Zakonom o javnim nabavkama BiH odlučio kao u dispozitivu ovog Rješenja.

#### **PRAVNA POUKA:**

Protiv ovog Rješenja može se uložiti žalba URŽ- u, putem Ugovornog organa odnosno KJKP "RAD", u pisanoj formi u roku od 5 dana od dana prijema ovog Rješenja kada je podnosilac saznao ili je trebao da sazna za navodnu povredu Zakona u toku konkretnog postupka.

**DIREKTOR KJKP „RAD“  
Selim Babić dipl.ing.građ**

#### **DOSTAVITI:**

- Ponuđačima;
- a/a